



436
3460

0
1 cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30

deli
得力集团有限公司
No. 6230







161758



景
开
集
卷
之
四



素軒集卷之四

五言律詩

行次安寧

行李安寧道風輕快玉駝草鋪玉野綠花發映山紅
隱隱雲間樹依依水上蓬漁村經雨後景况似江東

聽鶯

日高晞湛露花下聽流鶯睨睨調新舌間關弄巧聲
曉窓醒客夢午院助詩情此鳥曾知止三良怨未平

和車軒韻

晨起軒中坐身輕愛葛衣雲開山遠近天霽日光輝



花自春深減梅因雨後肥凭欄閑佇目靜數暮鴉歸

題日東僧大用所藏朱寅仲山水

扶桑日初上林樹映高岑恍見天邊色如聞澗下音
偶題聊適興獨對可娛心緬想揮名筆當時寓意深

書窓對雨

永日高齋坐開窓對雨時常臨脩禊帖熟讀詠懷詩
翠積苔痕厚紅消花樹衰琴書當自樂不必動遐思

和車軒詩韻

清晨讀道書至理亦無如縱飲情何限長吟思有餘
娛心開北牖散步下前除春草含生意青青滿野居

寄胡先生

自惜離群後相將一載餘
閑情耽翰墨野興付樵漁
把鏡容顏改居夷禮法疎
中秋明月下還憶對琴書

秋夜雨

疎雨滴深更偏令寐不成
蘆花摧野岸梧葉墜山城
爽氣侵簾入寒聲徹夜清
殊無羈旅况自得遂幽情

暮秋即事二首

景物初岑寂杪秋霜露寒
園幽存晚菊溪近愛風湍
放曠懷陶令清高憶謝安
行吟投古寺落日在江干

又

野迥秋陰濶風清露氣濃
蕭蕭窗外竹歷歷澗邊松
適興吟新句尋幽覓舊踪
晚來林下坐隔墻聽村舂

登大悲閣逢段澍先生

乘閑遊古寺林下振秋風
石室松聲滿苔階露氣濃
菊花存晚節雁影落寒空
詞客欣良晤悠然野興同

遊龍池與道者話

春日龍池上還多好鳥鳴
風清花瓣落水暖荇絲輕
藥圃芝苗秀松亭鶴唳清
散步苔階下悠然物外情

遊慧光寺

清晨初過雨野寺曉鐘沉
水暖魚翻藻風和鳥出林

哦詩忘俗慮煮茗沃塵心欲寫琴中趣何人為賞音

和蔣御史韻并謝松花之惠

松花真絕品服食可延年採擷經三月敷榮自九天
嘗隨仙仗下曾近日華邊遠致情應厚何殊萬里傳

夏日坐靈香亭

亭子極清幽軒窓爽氣浮竹深無酷暑雨霽似新秋
野景何冲曠閑情愛逗遛塵紛俱已寂清趣付輕鷗

即事

一雨除煩暑紗厨枕席清階前添竹色澗底落泉聲
書得鍾王趣詩懷陶謝名焚香窓下坐把筆述閑情

僧寺小池

野衲棲禪地白蓮開滿池靜涵新月影低拂老松枝
洗硯閑臨處携筇獨到時攢眉思入社為報遠公知

送段先生還臨安

山川清雨霽金氣應新秋旅雁來天末寒蟬在樹頭
客懷殊落落詩思自悠悠不忍臨歧別停杯且暫留

雨中漫興二首

晚來殘雨過縱目上高樓不見雲中雁惟多水上鷗
輕烟迷竹墅落日下林丘已有西成望離離穰稻稠

又

天際雲初散
俄然風氣清
晚蟬聲在樹
衰柳色依城
嗜酒唯陶性
耽詩豈為名
有時佳思集
隨意述閑情

送張僉憲考滿

張公名藉甚
報政喜朝

京遠道青驄健
長江畫鷁輕
夷民懷令德
察察頌芳聲
春日長亭上
那堪離別情

送劉參議考滿

送別之

京去河梁惜
解携賢良逢

聖世名藉載
金闈棘道春
馳馬巴江曉
聽雞

大廷霑雨露餘惠及蒸黎

寄平松雨先生

澤國多零雨炎天晝亦涼
荷香薰座榻竹色映琴堂
憶友傾金箠吟詩溢錦囊
暮雲與春樹情思更何量

移舟採荇

移舟滄渚畔取荇趣偏長
翠帶牽風細紫花含雨香
應宜淑女採不許野人將
適意歸來晚輕帆掛夕陽

薰風

院宇當長夏蕭然清興多
影搖階下竹香泛沼中荷
可使炎威却能令景物和
晚涼閑步處池水細生波

題袁菊莊卷

瀟洒雲間客生平愛菊花已耽陶令趣應羨屈平家
美酒情偏洽新詩興更賒南山佳氣在千載起長嗟

遊玉泉菴

賞春來野寺且盡一時歡軒敞偏多景羅輕尚薄寒
好花迎繡旆垂柳拂雕鞍緬憶蘭亭事長歌重倚欄

訪中庭

暇日出山城尋僧遂野情春和幽鳥嘯風暖落花輕
佳興因時適迷心此處清光陰莫虛負謾飲樂浮生

重過太華寺

新春遂行樂喜遇上元時
逕竹橫窓影園桃拂檻枝
風和鶯出谷冰泮水流澌
賸有登臨興何妨歸去遲

贈護維那

久為塵寰隔還來隱者居
竹風孤枕冷松月半窓虛
杖錫看芝草焚香閱貝書
煮茶延我坐不必論華胥

新槐

春暮雨初歇庭槐發嫩柯
色黃猶淺淡陰綠未婆娑
偏稱流鶯囀還宜乳燕過
晚來閑步處疎影拂晴波

寄適意道人

記得分携日俄驚春又蘭
每思遊賞際都在咲談間

濯足臨瀘水怡懷對判山
刀圭能餌服真可駐童顏

雨中東菊莊

朝來雨初歇新綠滿槐庭
濕潤松篁茂清滋蘭蕙馨
閑臨脩禊帖謾閱衛生經
萬里無雲翳鈎簾山色青

贈試官

聖朝崇典禮又喜試秋闈
多士稱才俊鴻儒更發揮
文光射奎壁詞賦吐珠璣
燈下披黃卷應知道不違

寄朱寅仲

飲食今何似興居得自然
丹青惟寓意藥石可延年
把菊懷吾友開樽憶往賢
清時應感舊目極判山巔

寄劉大參

綠樹布濃陰春徂夏又臨拂簷翻小燕隔葉轉佳禽
寄遠還題句相逢更盍簪滇南行樂處若箇是知音

丁未年除夕

守歲逢茲夕情懷復悵然慈親違建業遊子寓南滇
列炬驚栖鳥開樽集衆賢更深殊不寐明日又新年

遊圓照寺

春來山寺裏風景自清幽竹影移禪榻花香落茗甌
漆園情已識蓮社興當酬從此生歡喜歸來信紫騮

端午寄胡指揮

殊方當仲夏節序又端陽酒泛蒲苴綠門懸艾葉香
懷人情更切感舊思偏長屢賦新詩句憑誰寄永昌

寄陳大叅

分攜還記得倏爾又中秋有約同看月無緣獨舉甌
詩書猶未達歲月去如流寄與知音者情懷莫悵惆

喜雪偶成東陳叅政

天上彤雲布空中瑞雪垂麥苗敷迥野梅蕊綻疎枝
細酌党家酒清吟杜甫詩年豐應有兆聊寫報相知

梅花

南詔春回早梅花雪後芳高枝呈素艷小朵弄新粧

每愛臨池影猶矜拂袂香夜深聞笛處坐對月昏黃

除夕

守歲當茲夕朋簪盍燕居生盆燃院落爆竹響街衢
對酒慚無量吟詩興有餘明朝過五十不飲竟何如

寄朱紳

年華何迅速滇海又逢春漸覺容顏老應知物候新
梅花初餞臘柳眼欲窺人寄與瀘江客尋芳莫厭頻

寄平宣

都門云別後三載易星霜洗耳琴聲曠懷人詩思長
簾虛山色淨坐近水花香萬里遙相憶能無寄八行

九日寄郭文陳謙

殊方逢九日感物動遐思
莫負登高趣聊題逸興詩
樽門醞醑酒手把菊花枝
故友重相見俄驚鬢有絲

寄陳大叅

執別河梁後無由問起居
相違千里道不見一行書
野館梅初發津亭柳欲舒
殊方饒瘴癘餌藥近何如

閑居寄陳大叅

閑居隨所適奕罷又琴書
靜賞心偏逸幽探興有餘
雲山蕭寺遠夜月竹窓虛
因憶陳夫子別來音問疎

寄郭居二秀才

梅子欲黃時朝來雨散絲關山千里隔雲樹幾回思
嫩竹含新籜圓荷泛綠漪因將眼前趣寫作寄人詩

寄陳大叅

滇南分手後不覺值深秋輾轉思三益言歸老一邱
菊花荒院落蘆雪滿汀洲近有魚書至鼓盆歌未休

寄徐憲副

美人別我久各在天一方伐木詩空誦停雲思更長
炎荒無過雁旅邸有啼蜚幾度登樓望青山又夕陽

次萬縣

舟行連日雨今夕喜新晴月色涵江郭人烟接郡城

斷袞德不厭瓜章章維成隔岸魚天三人登古占用

斷猿聽不厭孤嶂畫難成
隔岸漁家住孤燈點點明

泊巴東縣

巴江水初落正是泊舟時
洗盞閑嘗茗挑燈謾奕棋
漁人歸遠浦宿鳥集深枝
客路多清事能無一賦詩

泊枝江

日落江天晚維舟近野汀
蘆花爭吐白柳葉尚含青
隔岸明漁火依山聳驛亭
掀蓬閑坐久空碧炯疎星

泊沙市有懷

夜泊荆江上令人動遠思
舡頭浪初靜天外月來遲
沙市明燈火漁舟斂釣絲
聯翩征雁過不見寄新詩

泊調絃驛

晚宿調絃港霜天夜氣清
荻花風細細月色水盈盈
客舍高低樹漁歌款乃聲
興來揮彩筆聊寫一時情

城陵磯阻風

冬月如春暖湘江水未平
天邊青嶂小波上白鷗輕
佳茗閑同啜新詩喜共賡
狂風連日夜遠客若為情

泊石頭口驛

天寒霜乍落沙淺水痕收
紅樹林邊驛夕陽江上舟
捕魚人晒網聞雁客登樓
此景堪圖畫閑看興趣優

宿巴河

北風寒始急今夜宿巴河
近渚見漁火隔溪聞棹歌
一封鄉信遠萬里客情多
剪燭坐來久圍棋却睡魔

小孤山

絕頂窺彭澤高厓控海門
鬼神司造化今古拱乾坤
野曠高低樹江平遠近村
登臨無限意掃席倒芳樽

過高郵湖二首

假楫平湖上朔風天正寒
輕鷗浮水面旅雁下雲端
動靜誰能達詩書好自看
我家居建業回首路漫漫

又

歲晚過高郵風狂阻客舟
天空湖水濶野迥嶺雲收

古岸人家少荒洲魚鳥稠何能解簪紱放浪此中遊

寄陳孟顥

記得

都門別于今六載餘琴書甘晚節山水樂閑居投轄
非耽酒臨淵豈羨魚相思天萬里况復雁來疎

淮安至日

至日山陽縣其如情思何瞻雲親舍遠投館客懷多
小酌清樽酒高吟白雪歌途中光景易歲月逝頽波

彭城送別

分手鼓城下趨

朝不可留星河明客棹鼓角動譙樓旅雁依荒浦寒
冰走激流一杯從此別情思兩悠悠

過荊門閘

向曉過荊門花明遠近村驚湍喧客耳春色慰吟魂
風俗那堪問人情詎足論舟行無以遣強自倒芳樽

過金線閘

春事相將半舟行沂上流檢書消永日命酒遣閑愁
空裏一歸雁沙邊雙白鷗東風情太薄吹雪上人頭

次彭城

春朝微雨晴放溜過彭城水漲河流急風和燕子輕

客中人事異靜裏歲時更自是歸心切慵聞杜宇聲

過楊柳青

迢遞

京畿路融和春半天山川殊富麗花柳更芳妍伐鼓
催歸棹揮毫續短篇憑高舵樓上吟罷思悠然

磚河舟中遇雪

同雲四野合大地雪花飛林下迷樵徑溪邊失釣磯
有腴滋壠麥無力拂征衣獨坐推蓬久殘鴉數點歸
竹深處為郭九揮使賦

高人性愛竹深處結軒居坐挹清風細吟看翠影虛

蒼苔隨杖屨明月對琴書
刺得閑中趣備然樂有餘

泊清浪道中

行舟當暑月天氣極炎蒸
厭聽蟬喧耳惟看猿掛藤
無由得清景思欲踏層冰
晚向江頭坐波光映玉繩

次辰陽有感

彩舟浮十日歸旆到辰陽
江水綠於染野芳幽更香
解衣因苦熱揮扇較生涼
南詔雖云遠于今載職方

宿打牛坪

晨征過樣備晚宿打牛坪
路險人還陟梁危馬不驚
村園聞布谷畎畝見農耕
此去惟柔遠詩書寓客情

次永平

僕從趣行李懷柔之永平遠山青列嶂高柳綠依城
春晚鶯花老嵐消瘴癘清推心惟格物知止自為情

寄居廣

別後殊相憶窮經與校書筆花能夢不琴操亦何如
遠客情懷好故人音問疎新詩聊寫寄明月又盈虛

寄陳謙

旅館復棲遲令人有所思微風輕燕子驟雨落花枝
排悶開春酒娛懷誦逸詩閑來隨處樂窓下看圍棋

梅花詩寄劉大參

監外每花對當時手自裁臨也青衫瘦弗央音香來

檻外梅花樹當時手自我臨池清影瘦拂袂暗香來
向暖窺春早凌寒映雪開調羹惟爾實莫使委蒼苔

過勝備驛

縈紆山路險溪上跨危梁綠水緣溪備青雲入點蒼
異鄉歸思迫旅寓客懷長草樹何蕃鬱炎蒸不可當

過打牛坪遇雨

候館當春暮俄然風雨來應能清瘴癘已見沒塵埃
野墅啼鶉切征途客騎回凭高聊送目新綠滿池臺

寄段教授

蚤歲曾簪筆

金門籍姓名青袍仍教職皓首尚窮經不憚驅馳力
惟言繾綣情芳樽有美酒旅館更誰傾

寄陳方伯

別後經旬日相思夢幾回詩篇閑處寫藥裏病中開
顧我淹征旆逢人寄遠梅邊城明月夜東望重徘徊

寄徐憲副三首

客館晝荒涼娛懷藉酒觴烟嵐分坐榻山水入詩囊
故友情何重新緘墨尚香行裝隨處樂不覺在殊方

又

寂寞殊方客終朝憶故人山深征雁斷溪暖早梅新

也辭交存少更長夢寐頻可寺真海上絳纒賞芳春

地僻交游少更長夢寐頻何時溘海上聯轡賞芳春

又

冬日之威楚光陰近一陽夷民偕樂業禾黍盡登場
地暖梅花白霜寒木葉黃緬思文墨暇誰與共壺觴

寄居阮二生

一別滇城後天寒冬又深客窓聊拾句公館靜鳴琴
隱隱山橫野蕭蕭葉滿林遙知讀書暇盃酒謾同斟

次韻徐憲副冬日見寄二首

雪消寒氣盡日出瘴烟開古調梅花曲新春竹葉杯
一陽將暖至千里寄書來早晚應相見琴樽日日陪

又

天空平野闊
初日照旌旗
雪後渾無瘴
冰消尚有澌
金樽開臆醞
皓齒度新詞
未卜同清賞
難忘歲晚期

寄陳方伯

客寓洱西地
又逢冬暮時
有詩長見寄
無日不相思
白褪梅花雪
青歸楊柳枝
春風滿滇海
重與話襟期

寄郭仲彬

相違逾十日
行李近如何
野店寒梅早
山村落葉多
深杯時酌酌
佳句自吟哦
客路殊清致
那知歲月過

寄居阮二生

客館多清暇琴樽日日懽東風將布煖臘雪尚餘寒
漸覺頭顱改俄驚歲事闌杏花牆外發獨自倚欄看

又

今夕值元宵山村景寂寥芳樽聊獨酌松炬謾高燒
無寐衆喧息有懷千里遙滇城當此際燈月照笙簫

次楚場

芳春天氣和征旆駐岩阿高柳含清旭天桃映淺波
山林人事少詩酒客情多緬想書堂裏諸生近若何

駐苦牙營

異域春將半東風鳥亂啼烟嵐開古戍花柳暗蠻溪

山秀愜人意原平快馬蹄
巡行遍郊野不覺夕陽西

寄陳方伯

久客炎荒地芳春已半過
別離徒問訊調養復如何
原上花枝少池邊草色多
清明佳節近行樂竟蹉跎

寄徐憲副

滇陽春正好遊賞負佳期
山水一千里鶯花二月時
柳營風淡淡栢府日遲遲
無惜囊中句傳來慰遠思

宿永慶寺

旅宿依蘭若悠然契夙心
禪堂閒白晝佛屋翳芳林
候鳥鳴還歇春雲霽復陰
獨憐方外客終日對高岑

雪

四野彤雲合隨風片片來
須臾銀布地頃刻玉成堆
三白偏宜麥孤芳獨見梅
新年有嘉瑞莫惜醉金盃

寄居阮二生

駐馬葉榆澤天寒歲暮時
蒼山饒白雪洱水澹清漪
柳色回南陌梅花放北枝
登臨有佳興寄遠賦新詩

螳川

信馬到螳川芳春景更妍
梨花嬌帶雨柳葉綠垂烟
感興題新句酣歌記昔年
客中隨所樂散步浴溫泉

沙籠村

晨征止何處村店次沙籠宿食俱隨意行藏任轉蓬
雨滋靡草綠日暖杏花紅民俗雖殊異春光到處同

羅次縣

朝行逾百里不覺陟長途詩話憑誰論村醪為我沽
山川殊險異客邸且歡娛對此情懷好蕭然一事無

次徐憲副寄陳大參韻

官遊三月久使節幾時還灑翰臨名帖開樽對碧山
龍韜予未解仙桂子能攀緬想儀容美應知意趣閒

寄徐憲副

翹首望金滄雲山路渺茫江楓明夕照籬菊綻重陽

旅館敲詩句烏臺肅典章歸來笑祭新酒卒年易

旅館敲詩句烏臺肅典章歸來談笑際新酒醉華觴

九日

此日逢重九東籬菊又黃光陰從代謝詩酒且疎狂
雁陣拖秋色湖光蕩夕陽登臨懷往事無奈鬢毛蒼

寄陳大參

城西分手後倏忽又初冬霜老千村樹風清萬壑松
經綸心最切吟咏興尤濃幾度相思夜月明山寺鐘

冬至

殊方逢至日地底一陽回堤煖將舒柳山寒未放梅
客情嗟潦倒流景苦相催遙憶平生友無由共一杯

次沙甸

客路經沙甸夷居盡草樓
殘紅點芳徑新綠漲春流
麥隴飛山雉桑林喚新鳩
殊方風物異近喜似中州

寄胡橙軒

永昌千里外風景近如何
綠樹鶯聲老青春客思多
看山脚適興對酒且當歌
塵事無紛擾安居養泰和

雨中有懷寄陳大叅二首

獨坐書窓下天風送雨來
白添湖上水綠長徑邊苔
適興琴三弄消閒酒一杯
故人蕭寺裏車馬幾時回

又

一雨連朝夕池塘水又生映階新竹色聒耳亂蛙聲
靜裏耽詩句閒中樂道情遙思林下客襟抱不勝清

次張叅議詩韻

政簡薇垣靜襟懷樂自如高談霏玉屑佳茗煮雲腴
香篆芸窓淨琴聲竹屋虛時時有新句為我寄幽居

閑中寄陳大叅二首

一雨滌塵埃書窓盡日開墨花浮硯沼竹色上琴臺
佳句時時得清風細細來故人不我會此際獨徘徊

又

靜悟無生理深探造化工身心皆夢幻天地一樊籠

幽鳥棲芳樹殘花落晚風澹然忘物我何必更談空

和張參議謝果詩韻

涼風起高樹庭院雨初乾竹簟無炎暑絺衣有嫩寒
道明心自樂政簡量尤寬寄我新詩句才華亞柳韓



素軒集卷之四

素軒集卷之五

素軒集卷之五

五言律詩

和曲州

晚坐驛前樓風寒擁
毳裘震雷天欲雨
曲澗水新流密樹驚
樓鳥平沙散狎鷗
塵埃俱蕩却客思更清幽

高橋

行李次高橋征途不憚勞
夷居藏竹塢客舍傍山椒
地暖禽聲早風晴柳絮飄
樽中有美酒何用解金貂

富民別墅

別墅連村塢春和值雨晴
新詩惟即景濁酒謾娛情

碧澗穿雲遠青山入戶明從容隨所樂何必更求名

宿真嚴方丈

清夜宿僧房翛然俗慮忘心融三昧理坐對一爐香
剩得山林趣那嗟鬢髮蒼更深猶不寐蘿月滿虛堂

壬戌春宿太華寺

翠微深處寺樓閣燦金銀山水登臨舊鶯花興味新
素琴消白日綠酒賞青春寄語棲禪客相過莫厭頻

送劉御史

饒陽劉侍御奉

命贊南征節操冰霜肅襟懷玉雪清春風驄馬健曉

日繡衣明樽酒難為別關山萬里情

寄居廣

龍華山寺裏分手各西東
秋水芙蓉老疎林楓葉紅
交游人有幾繾綣思無窮
潦倒慚吾輩年來任轉蓬

贈郭中昞遠使夷邦

薄言遠行邁秋杪入夷邦
月夜經灣甸霜晨過怒江
才長稱第一學富諒無雙
此別又千里寧辭倒玉缸

寄郭勳衛

初春相別後明月幾盈虛
部曲懷仁惠夷民畏簡書
鳴蟬喧樹杪新竹滿庭除
緬想多清暇琴樽樂有餘

過木稀關懷郭居二秀才

杪秋事行役路始過烏蠻馬足青雲上猿聲碧樹間
賦詩聊適興沽酒且開顏孤館懷人際惟看萬疊山

宿層臺驛有懷

客路當秋杪今宵寓落臺古墻緣薜荔荒院長蒿萊
寫景吟詩句消閑酌酒杯懷人情最切厭聽嶺猿哀

次永寧

百里青泥路驅馳到永寧畬田收晚稻落水語秋鶯
霧隱峯巒色雨添灘瀨聲吟詩銷客况獨坐興尤清

寄郭仲彬

滇南長聚首旅館獨相思秋渚蘆花白霜林橘子垂

滇南長聚首旅館獨相思
秋渚蘆花白霜林橘子垂
斜陽明古戍寒水落荒陂
野路梅將發憑誰寄一枝

送嚴御史

四牡去駸駸青山駐晚暉
邊氓沾惠澤烏府肅霜威
楓葉明征旆梅花映繡衣
春風二三月準擬到

京畿

寄楊參贊

別去又旬日殊方當杪秋
雲山迷遠望禾黍熟平疇
水落蘆花渚雁飛明月洲
籌邊有閒暇莫惜醉金甌

過南平關

南平關下路今古總相同
猿嘯白雲塢馬嘶黃葉風
荒村寒樹外野店夕陽中
緩轡經行處長吟思不窮

寓永昌

討寇寓邊城宣威播遠聲
清霜鳴鼓角初日耀旗旌
籌策餘閑暇琴樽適性情
明當休戰馬歸去樂昇平

寄居阮二生

駐節永昌郡俄驚換歲華
暖風桃破萼膏雨草萌芽
琴酌睽違久鱗鴻道路賒
春光應待我共賞牡丹花

除夜

今夕是除夕賓朋樂事賒
為歡傳栢葉稱壽頌椒花

帝上欣聲緩燈前舞影斜
客行隨所遇不覺度年華

席上歌聲緩燈前舞影斜客行隨所遇不覺度年華

新春

風光已過臘物色喜逢春暖
暎紅將折烟堤綠未勻
流鶯轉幽谷歸馬踏香塵
準擬還家日梨花酒正新

雨

知時靈雨降散作永昌春
道路塵埃淨郊原物色新
紅交花壓樹綠漲水迷津
漸覺風光好尋芳約友人

至日

天涯逢至日晴景漸舒長
岸柳色將變野梅花正香
夷民多向化雲物更呈祥
琴酌餘清興高吟坐畫堂

留別

永昌春正好去住兩相違
芳草隨征騎穠花照客衣
流年衰鬢改異域故交稀
公館多清興吟詩對夕暉

次沙木和

東歸行百里公館暫停車
烟柳絲猶短春花錦不如
野橋連古戍驛路帶村墟
新酒殊堪飲陶然興有餘

次永平

昨出哀牢郡今朝次永平
頭顱添白髮簡冊總虛名
水映千門柳山圍百雉城
年來戎馬息耕作樂邊氓

趙州道中

肩輿倚明月殊覺俗心清
北斗酒垂象東方未落月

肩輿倚明月殊覺俗心清
北斗猶垂象東方未啓明
春山凝黛色澗水奏琴聲
正是花朝節韶華動賞情

坐太華方丈

曉來方丈裏起坐自焚香
說法三生悟觀心萬慮忘
岩花香冉冉迺竹色蒼蒼
我亦清高者閑心詎可量

喜雨

雲氣連山谷風雷送雨來
洪鈞布生意大地發枯荄
柳色綠將重花枝紅欲開
客心殊喜樂莫惜醉深杯

捨資道中

驛路穿雲入縈紆幾百盤
山高松月小谷轉曉風寒

馬度青溪上猿吟綠樹端因時觀物理又見野花殘

次煉象關

節鉞臨邊徼軍威震異邦日明金鎖甲風動碧油幢
耿耿心逾壯蕭蕭鬢已危晚來次山館高坐對銀缸

寄楊參贊

氣冲時雨降民物自亨通靜觀調和力殊多變理功
新篁穿古徑小燕弄微風處處勤農事何勞卜歲豐

寄余司訓

滇南方孟夏時雨茂條放出戶聞黃鳥携筇踏翠苔
新詩閑自適臘醞共誰開別後情何似殊無一字來

新春

東風噓暖氣萬物又知春
綠淺萱初長黃輕柳未勻
園林啼好鳥琴酌對高人
自覺多清興從他白髮新

寄郭居阮三秀才

東風布微暖時序近春分
麥壠宜新雨花畦稱夕曛
一樽還獨酌千里惜離群
知爾相思處詩成絢錦雲

無量寺僧房閑適

蒼山高萬仞積雪似堆瓊
冲澹新詩句蕭條舊客情
和風吹徑竹時雨熟山櫻
靜坐無餘事焚香玩易經

花朝

客路過花朝山川景物饒和風輕燕雀小雨淨塵囂
曉色籠芳草春光散柳條揚鞭回首處沙暖紫駟驕

和應方伯韻三首

駐節蠻夷地時當秋暮天陰霾連日夕草莽遍山川
落葉迷樵徑清溪橫釣船晚來無一事聊可賦詩篇

又

秋杪入遐荒仍居曰者鄉沙邊無宿鳥籬下有寒螢
天霽山雲薄心清旅夜長平生殊曠達觴詠恣徜徉

又

殊方天氣暖冬月不圍爐瘴霧時開合峯巒乍有無

予人稱土寮子鳥與山乎疑寺帚來日高千列玉

野人稱土獠好鳥喚山呼擬待歸來日高軒倒玉壺

懷徐憲副

睽違逾一月幾度憶情親木落經霜降梅開應小春
青山雲外見白髮鏡中新喜遇鱗鴻便封題寄遠人

送劉大參

青春傷遠別冠蓋出滇陽風采清於玉威聲凜若霜
草肥驄馬健花墜繡衣香玉筍聯班處行看被
寵光

雨中適興

南國夏多雨風清暑氣消不須衣輕葛尤愛長新條

運古封蒼蘚窓虛映綠蕉呼童煮佳茗詩思正飄飄

送劉大人

餞別朝

京國離懷一愴然夷邦歌德政

聖代出才賢曉路梨花月春江燕子天已知心戀

闕翹首

五雲邊

自適

遠遊仍客邸情思不遑寧古運朝還陟衡門晝不扃
禽聲殊宛轉花片自飄零行止誰能必飄飄水上萍

遊進耳寺

問法向山中迢迢入萬松巢雲時見鶴隔水忽聞鐘
花木禪房靜金銀佛殿重老僧延款久談咲坐從容

病起寄楊叅贊二首

愧我嬰微疾勞君日夕過體全同沈約形稍類維摩
綠滿庭前草紅香沼內荷稀年期漸近情思更蹉跎

又

長夏連朝雨開軒好納涼苔痕侵柱礎竹色映琴牀
綠蓋芙蓉沼青敷薜荔牆農家栽蒔畢準擬樂豐穰

寄王太守

南國逢端午多情憶故人感時驚白髮隨意倒清樽
竹笋穿堦長榴花照眼新凭高東望處何日共論文

送程都憲二首

栢臺老風憲啣

命到滇陽輓粟過沙壩乘輅入鞏章夷民懷德澤部
曲仰威光今日歸
朝去雲山路渺茫

又

督運來南詔煌煌繡節明清風隨四牡初日照雙旌
政令敷邊徼才名播兩

政令勳邊德才名播兩

京臨歧那忍別莫厭酒頻傾

送賴廉使朝

京

風高宿雨晴述職又東行秋野靡蕪色天涯雲樹情
途長驄馬健水落鷁舟輕若遇南來使寧辭一寄聲

行次乍摩書示居阮二生

佳節近清明風光益暢情花開迎去騎樹暖轉流鶯
隨意裁新句消愁酌巨觥窮崖與絕壑無處不經行

遊玉泉寺

萬木深藏寺天晴風景嘉一欄羅漢竹滿院杜鵑花

澗影搖蒼玉林光炫彩霞夕陽歸路晚遊賞興無涯

漫興寄徐憲副

昨宵好風雨今日喜天晴花影隨人影鶯聲雜珮聲
塵埃俱洗滌心地自澄清寄與徐夫子閑中一暢情

閑情四首

軒居聊自適雨氣送微涼髮變知年老情閑覺日長
半簾芳草綠一樹枳花香坐久多清興那知到夕陽

又

雨後塵埃絕軒中賞靜時橫琴彈古調試墨寫新詩
燕影翻書幌禽聲在樹枝生平愛蕭散此興更誰知

又

又

昨到碧雞山僧居林壑間吟邊多放曠方外自清閑
看竹添幽興分茶啓咲顏朝來望山色何處是松關

又

南風散炎燠細雨熟梅天
遙長新移菊池開舊種蓮
鉤簾對山色欹枕聽松泉
却咲營營者那能樂自然

遊西山

行樂當晴日和風拂面來
春從天上至花自靜中開
信馬尋詩句逢人酌酒杯
怡然足清賞鞭袅夕陽回

賞牡丹花

雨餘庭院靜來賞牡丹花已動詩人興還令坐客誇
東風輕繡轂晴日炫香霞拚却樽前醉從教鬢有華
挽陳都閫勲衛

青年會

京邑白髮聚邊城正好同談笑那堪異死生平變負
長策報

國竭忠誠落日山川瞑潛然涕淚傾

次乃壠

曉歷亂山中行裝宿乃壠寒塘荷葉老遠渚蓼花紅
蠻俗村村異雞聲處處同重陽明日是光景似飛蓬

宿穀甸

征行逢九日從騎似登高
小雨霑烏帽輕寒試錦袍
村園無橘柚野甸盡蓬蒿
此夕憑何遣燈前閱六韜

駐泥革

營駐深山裏群峯似劔門
長途馳駿馬老樹聽清猿
濕翠溪邊竹斜陽雨外村
晚來惟獨坐詩酒共誰論

宿普採人家

曉涉盤江水山行百里餘
那知雲路客暫宿野人居
屋後青山立門前翠柳疎
殊方多異俗為市趁村墟

駐曰者營

朝來散客情送目倚前楹物色秋將老園林雨漸晴
空中無雁字草際有螢聲自是多閑暇吟成句更清

寄陳大參

點蒼山上雪此際稍凝寒服食勞珍重遊槃匪宴安
砧聲聞月下雁影見雲端東閣梅花發歸來好共看

題陳繡衣愚溪草亭

亭子清溪上公餘宴坐詩謾傾千日酒細和八愚詩
霽雨開青嶂微風漾綠漪別來頻歲月夢寐幾回思

遊筇竹寺訪陳大參病

高軒坐長日興味自清嘉鉛汞身中藥雲山物外家

蕭蕭竹窓雨點點石岩花塵事無紛憂憂持雙葢華

蕭蕭竹窓雨點點石岩花塵事無紛擾優游度歲華

又

筇竹前朝寺禪房清更幽咲談無俗客來往有緇流
慕道心常切敲詩思未休何能脫塵鞅江海狎輕鷗

送邵僉憲

栢臺老僉憲今日又之

京夜月烏蠻道秋風白帝城賓朋陳祖席寮案擁前
旌莫惜長亭酒難忘眷戀情

送蔣參議

積雨喜初晴涼風熨道清九年寓滇海八月赴

神京契友懷交誼
夷民頌政聲
臨歧殊繾綣
無限別離情

次祿脹驛

行年過五十
天命可能知
老去頭盈雪
春來花滿枝
情閑尤嗜酒
性僻苦吟詩
對此風光好
尋芳莫較遲

次祿豐

信馬東風裏
行裝次祿豐
詩書忻有得
談論興無窮
官柳參差祿
岩花深淺紅
春光隨處好
翻入畫圖中

廣通驛送黃琮

使星中夜見
喜遇故人來
屢有

恩波及殊無
屏翰材相逢
情意洽談論
咲顏開握手

使星中夜見喜遇故人來屢有

恩波及殊無屏翰材相逢情意洽談論咲顏開握手
難為別聊傾酒一杯

宿沙橋

旅寓沙橋驛山多畫有雲鶯花隨景况氣候已春分
取適沽新酒忘憂讀古文心清無俗事起坐對斜曛

次白崖

憶昔曾過此今來十載餘閑花開院落芳草遍塔除
送目看清景潛心閱舊書行藏那可問情思竟何如

玉龍山

玉龍何壯麗中有古名藍芝草生苔砌松蘿覆石龕

凭高聊送目對景好停驂緩步長廊下無生孰與談

雲泉菴

蒼山殊秀發結宇就雲泉影湛晴窓畔陰浮曲檻前
泠泠清比玉細細薄於棉覽此澄遐想情懷自豁然

華嚴庵

華嚴真佛地深僻更清幽座對蒼山雪窓含洱水秋
塵囂今始息歲月去如流老衲殊踈散身閑類白鷗

卧龍菴

中林棲隱處地靜絕纖埃古檜當軒茂流泉繞砌回
暖風吹燕雀初日照樓臺賸有盈樽酒何人共一杯

遊寺

朝來遊覽處古寺在雲深徑竹分清影庭槐轉綠陰
翻經開慧眼煮茗滌塵心壁上誰留句冷然金石音

寓永昌

行營駐永昌號令肅風霜瑞雪呈三白良辰近一陽
閒吟詩自遣不寐夜偏長幾度思歸處令人意渺茫

宿白水驛夜雨

雨館當長夜寒更屬杪秋濕螢疎點點風竹響颼颼
少助詩人興深添旅客愁聽來殊不寐清思詎能休

冬夜有懷居廣

迢迢冬夜永，獨坐意何長。
靜院石泉響，虛窓燈燭光。
餘暎欣茗椀，清興付琴張。
忽起懷人想，揮毫賦短章。

次元謀縣

旅寓元謀縣，清秋氣漸涼。
閑居情更好，靜坐日猶長。
適意琴三弄，娛懷酒一觴。
新詩頻賦得，援筆試玄霜。

桂花

清秋零雨霽，老桂散天香。
細蕊堆金粟，高枝拂錦堂。
幽蘭期共操，佳句願同芳。
賞玩情無已，悠然坐晚涼。

楚雄有寄

客行感楚郡，路入萬山深。
嵐嶺開新障，風泉韻古琴。

村虛連野戍，維犬隔公林。
安得聞邊吏，芳樽子共斟。

村墟連野戍雞犬隔松林
安得間邊友芳樽好共斟

元日遇雪

海宇逢元日青陽肇物華
東風飄瑞雪春意透梅花
疆場三十里人烟幾萬家
豐年先有兆勿惜醉流霞

寄居廣

朝夕常相憶光陰冬復春
梅花溪上老柳色陌頭新
鶻咏思清賞封題寄遠人
西山多勝槩何日踏香塵

寄陳謙

相違將半載體况近如何
簾幕東風靜池塘春草多
清閑無酒債消瘦有詩魔
可得書窓下橫琴理楚歌

獅子山寄居廣

春宵良可惜延住此山林坐對花間月閑調石上琴
論詩蓮漏永醒酒茗甌深不得從清樂何由一賞音

過幹耳朶

昔人舊池館零落郡城東春草年年綠閑花處處紅
感時民物異代謝古今同往事應如此長歌興未窮

曲靖和姚大參

河梁分手處望望去途長露冷芳蓮謝風清古桂香
夷民皆按堵禾黍既登場信馬多佳趣敲詩過六涼

惜別

沙秋風露重晨起送君行共昔交存合即甚別良生

抄秋風露重晨起送君行共惜交游洽那堪別恨生
黃花籬下吐鴻雁渚邊鳴午夜公堂裏孤吟對短檠

九日懷松雨先生

滇南重九日又見菊花開咲把茱萸酒深傾鸚鵡杯
登臨懷

上國詞翰羨奇才散步東臯上相思心欲摧

宿平夷衛

山程迢遞入重鎮到平夷鳥道自林杪人家多水涯
天晴香稻熟秋暮渚蓮衰客裏那堪遣風前獨咏詩

次六涼

迢遞行山徑平川次六涼汀蘆華盡白岸柳葉皆黃
雨洗秋巖淨風吹晚稻香賦詩聊適興清思自能長
寫懷寄陳大叅

分手東西去相思一咲難遠遊經澤國久官歷關山
雁陣橫秋色蟹聲帶晚寒惟公有嘉政到處問民安

次和摩驛

朝來初霽雨涼氣屬清秋竹密禽聲集溪平水勢流
風生松露滴嵐解石雲收旅館欣無事凭高坐驛樓

宿富民

石徑清泥滑盤桓到富民田腴禾長茂樹密鳥過頻

野廣無頂暑庭幽絕谷壑山巖切過雨新水忽平聿

石徑清溪滌盤桓
野曠無煩暑庭幽絕俗塵
山溪初過雨新水忽平津

次邵旬

客懷惟自適矯首對南山
牧馬平原上啼鶻深竹間
年來塵事少老去道心閑
明日之何處吟詩興未闌

癸卯歲夏日遊法界寺宿僧房

古寺多幽致來遊心自閑
香清聞竹徑定起出松關
洗鉢臨長澗開窓對遠山
林泉予所愛他日更躋攀

宿官莊

向晚宿官莊娛懷思更長
雨多珍簟潤風細葛巾涼
石鼎聯詩好荷筒吸酒香
興來隨所寓不必論清狂

九日

客裏逢重九還來對菊花
新詩端可賦美酒不須賒
曠達思陶令風流憶孟嘉
茱萸聊暫佩此際樂無涯

寄陳大參二首

別來已逾月相憶最情深
雲巘開新障松泉奏古琴
徜徉塵外跡淡泊靜中心
想見談禪罷開窓對遠岑

又

滇城相別後不覺又秋初
學佛參求切寄人音問疎
露籬啼絡緯風沼落芙蓉
遙想禪窓下焚香閱道書

寄張參議

別後情何似知君樂趣多清風鳴綠綺夜月醉金波
野霽千山出天空一雁過相思坐孤館得句自吟哦

寓七旬

積雨霽新秋風涼暑氣收人家依故壘木稼滿平疇
歸鳥翩翩去清泉滴滴流村居隨所樂對景豁吟眸

寄徐憲副二首

南中冬日煖天氣似初春野圃梅先白江堤柳欲新
夷氓咸按堵邊徼靜無塵烏府多清暇吟詩莫厭頻

又

述職歸來日同歡又幾回寒餘林下雪春到水邊梅

美政敷徽省清風藹栢臺公餘饒逸興随意的金罍



素軒集卷之五

素軒集卷之六

素軒集卷之六

七言律詩

秋夜雨

自入秋來景物清
空塔點點夢難成
邊城駐馬經三
月單枕思親恰二更
滴碎芭蕉添客况
凋殘梧葉和
蛩聲明朝天霽登樓處
游子瞻雲萬里情

次江川驛

匆匆又過重陽節
正值荒郊雨霽天
馬踏青泥過通
海人隨秋色到江川
西風落葉迷殘燒
夕照穿林帶
暝烟駐馬湖南重
回首臨歧無奈思
茫然

贈僧財大用

名山駐錫已多年之子叢林夙有緣
信手拈花應獨悟此身對月不須禪
蒼松鬱鬱千峯晚翠竹深深一
徑烟幾度登臨適幽興白雲深處煮清泉

過晉寧有懷

昔陪旌節記晨征策馬歸來又問程
郊外旌旗嚴戍邏樓頭鼓角近山城
村村農事稱豐稔處處夷歌頌
太平眼底豁然情景好滿懷詩思不勝清

和居掾史詩韻

聞道

王師破虜營壺漿犒食馬前迎
威名重見粟同注

王師破虜營壺漿箠食馬前迎威名重見標銅柱勲
業終當著汗青列戟橫秋嚴作陣啣枚入夜靜無聲
黃江一帶川流赤共說將軍已斬鯨

十一月二十日夜舟中夢老人索詩余辭弗
獲遂吟瀟洒風流子詩成動老顏好看今古
傳都在咲談問二十字以答既寤猶能記憶
併賦一律以識

熟睡初醒午夜過偶隨行蟻上南柯風流尚憶三生
夢瀟洒還成五字哦卧聽洞簫來赤壁起看明月度
銀河世間塵事應如此獨對滄浪一嘯歌

和遠先生詩韻

斗柄推遷已轉東
和風播暖萬方同
郊園芳草茸茸
綠欄檻新花灼灼
紅道學求從黃卷內
詩名出自錦
囊中
閑聽燕語鶯聲巧
造化天然無限功

和立恒中詩韻

參透玄關得悟深
還從湖海會朋簪
三生已覺安禪
意一世唯能養道心
歌句成詩追古作
遊方到處動
高吟佳章此日來
呈我亭館春風散
梵音

和光古遠先生韻

年年奉使在天涯
每感兄恩倍有加
象管並揮看醉

草燕居
聯坐
啜清茶
詩當興
發頻
目口
酒印
乎來
不

草燕居聯坐啜清茶詩當興發頻相和酒即呼來不
用賒乘興闌干頻徙倚長空落日數歸鴉

和范先生詩韻

冬來三丈日初高小酌軒庭列俊髦犀筋助翠盤嘗玉
鱠銀臺絳燭藝蘭膏清香酒泛多醇耐鮮美殺陳雜
巨螯飲興既濃懽轉好詩成濡墨一揮毫

紀夢

一別

神京又半年華昏忽復喜朝

天如隨仙仗趨青瑣似逐東風覲紫烟萬里赤心懷

玉笋幾回清夜憶金蓮
曉來亭館渾依舊自信忠誠
遠
御前

冬至

滿前生意漸回陽
化日無邊始覺長
萬里民心懷帝澤
三冬和氣異江鄉
頃篋迭奏情還叶
雲物呈祥喜可望
况值太平今有象
誰言歲暮景荒涼

和曾翰林詩韻

奉

詔從征老大夫
光輝文苑一鴻儒
南來籌策能平越

東去聲名尚在吳
馬頭山水成新句
筆底風雲入吐

東去聲名尚在吳馬頭山水成新句筆底風雲入壯
圖掃盡妖氛歸奏凱

天顏有喜聽俞都

題翁行人山行會覽圖

平生汗漫窮遊覽行紀詩篇滿錦囊下界萬方瞻使
節中天一道動星光深仁正運德威廣殫職何論山
水長羨子懸弧今遂志姓名藉藉永傳揚

和慎獨齋薔薇詩韻

綠葉參差結翠屏春深開放近閑亭芳叢帶露依朱
戶艷色籠烟映碧櫺可愛鮮明堆錦綉尤疑羅綺集

軒庭詩篇賦就同吟賞
爛醉花前不欲醒

送周憲使還

京

送別匆匆惜解携
滇陽城下柳垂堤
風霜嚴肅威無及
山水經行句可題
楚道雨收催去騎
荒村曉發聽鳴雞
還

京喜有殊

恩澤重見宣麻降
紫泥

冬日有懷

風飄落葉滿疎籬
緩步階前有所思
塞上不聞傳雁

字簷間惟見結蛛絲
句奇自許追靈運
書妙尤當繼

字簷間惟見結蛛絲句奇自許追靈運書妙尤當繼
獻之歲月交馳駒過隙乘閑走筆賦新詞

秋日書齋

大火西流氣始清風颭蕭瑟送商聲高低黍稷連平
壠慘淡烟霞覆故營靜裏工詩多得趣閑中觀奕稍
娛情庭前喜有丹楓樹尚帶寒蟬嘒嘒鳴

和李文秀中秋昭靈觀對月

玉宇涵秋月已圓琳宮縹緲映青天
耿耿虎豹嚴真籓
燦燦星辰照法筵
萬頃玻瓈浮素彩
九霄環珮下瓊仙
莫將佳節成虛度
一別清光又一年

和李文秀秋夜言懷

月華泛灑碧雲天
靜聽清商夜不眠
雁陣已無過塞上
蛩聲猶有在庭邊
微將詩思消離思
不被名牽與利牽
喜得今年豐稔好
離離禾稼滿平川

題嵐光秋晚圖二首

月色西沉天欲曙
青烟散盡紫烟收
空中嵐翠開還合
筆底風雲動若流
幻出琳宮何縹緲
積成元氣自沉浮
詩情會入無窮景
渺渺長江萬里秋

又

群峰遙際沈寥天
曙色初回破暝烟
幽谷未聞樵斧

響音隔林如聽寺鐘傳
繞無水鶴棲松上
稍有山猿下

響音隔林如聽寺鐘傳
纔無水鶴棲松上稍有山猿下
澗邊空翠嵐光真可挹
濡毫一掃就長篇

喜雪

六出紛飛遍石城
俄然亂撲到簷楹
漫空柳絮悠悠
遠拂檻梅花點點
輕酒力漸回金帳
煖茶烟微颺
綉簾清呈祥已見豐年兆
正好題詩適此情

踏青

一帶春山濃似畫
村村花柳媚韶光
雙飛燕子引雛
緩百轉鶯兒求友忙
麥壠雨收添秀色
芹池風起散餘香
垂鞭信馬歸來晚
吟得新詩滿錦囊

宿江川驛漫興

歸思匆匆燠道行
山頭遙見月華明
雞聲達旦辭孤驛
馬首冲寒過古城
異域總霑新教化
夷民多易舊心情
江川驛裏懷人處
好使鱗鴻寄遠聲

冬日偶成

天涯客處動深思
暖日舒長好詠詩
柳眼將看開北岸
梅腮已見綻南枝
人間清事誰能畢
鏡裏朱顏獨未衰
自愧為官無補報
恩波常沐鳳凰池

和車軒先生歲暮即事

冬氣微溫最可人
儒冠偏稱老閑身
一年欲盡崔嵬

冬氣微溫最可人
儒冠偏稱老閑身
一年欲盡催殘臘
萬物將萌近早春
竹迎風來清影動
山溪雪霽碧波新
欣知遠子言無謫
耿耿情懷不厭貧

立春日偶成

綵勝迎春又一年
晴光靄靄映長天
輕紅初破花容嫩
淺綠遙回草色鮮
門上題詩更舊帖
庭中鑽火起新烟
明朝有約城南去
定賞芳菲滿馬前

和車軒先生述事言懷

退食書齋臨草行
俄驚窗外鳥催耕
閑花開落殊無意
流水縈迴似有情
但願樽前常宴客
更期邊上罷

徵兵自言謏薄難膺和羨子能詩已得名

和江樓晴望韻

旭日初升海宇晴江樓聊上適閑情
林端喚起幽禽小波面飛來白鳥輕
山色遙連嘉樹碧水光斜映落霞明
隔溪窈窕誰家女歌徹還聞有越聲

夜中聽雨

夢回忽聽天零雨睡足尤欣枕簟清
潦水新添深幾尺譙樓不覺已三更
涓涓不斷簷前溜滴滴空餘葉上聲
却笑落來非甲子可知今歲必秋成

賦梅花

燹地冬深初雪霽梅花又放向南枝
青青松竹應同

熨地冬深初雪霽梅花又放向南枝
青青松竹應同操白白冰霜可共時
溪上折來曾立久山中看處每歸遲
暗香端使逋仙愛我亦臨風為賦詩

和周草庭詩韻

先生早已脫塵羈遠地安棲事事奇
階下藥苗春盎盎庭前葵藿日遲遲
從容道意誰能比蘊藉詩篇我獨知
何日移居滇海上宴遊當效習家池

過呈貢縣

深冬熨地似春時堤上驚看柳躡絲
陽氣漸回冰雪候東風吹綻杏桃姿
白鷗泛泛明沙渚黃鳥關關在

樹枝自愧青年才薄劣功名當可效囊錐

松間閑望

松間坐久生清思豁目遙看水接天
灩灩波光雙塔外蒼蒼樹色五華前
吟餘轉覺詩懷好興動還憐景物鮮
把筆長歌歸去晚何妨紅日下山邊

和僧中庭詩韻

作祖相傳自嶺南講經曾見墜優曇
心中要解無生法靜裏須將活句參
一徑松風吹客鬢滿山雲氣翳精藍
上人清致如齊己索我新詩寫草庵

惠楊先生酒詩

新釀初開滿座香頃來有色嫩鵝黃
醅浮琥珀碗翻覆

新釀初開滿座香
傾來有色嫩鵝黃
醅浮碧椀翻瓊液
光拂金樽訝蔗漿
細酌每添詩句好
謾傾端使客懷
忘知君為此耽佳趣
阮籍高風孰可當

和萬松老樵喜雨詩韻

太虛一夕風雲起
吹入南州作雨聲
打葉轉添詩思好
隨風時遣客懷驚
漫漫江上鷗鳧浴
處處田中黍黍生
總為征人深解愠
瘴烟消盡樂時清

雨過

雨過青山分外鮮
連堤芳草碧芊芊
胸中煩思俱消却
眼底清光始豁然
泛泛漁舟投遠浦
欣欣農事滿

平川携樽欲向山莊去好看飛來百尺泉

陪御史鄒公遊慧光寺

繡衣御史肅秋霜約我清遊到上方佛法安心惟一
語儒書明德耿三光浮空綠水門前灑妙色青蓮沼
內香今日偶陪華旆入禪機俗慮自能忘

前以詩贈別朱寅仲矣餘興未盡更題五韻

吾友來時春正濃于今別意又從容千章夏木溪邊
路一榻清風石上松晚度山城雲掩靄暮棲江館月
朦朧明朝此際知何處更盡樽前酒滿鍾

公餘清興

綠槐深院雨晴初坐納南薰暑氣無最喜咲談非谷

綠槐深院雨晴初
坐納南薰暑氣無
最喜咲談非俗
客深知講學得名儒
榴花噴火當窓發
荷葉生香貼
水鋪自是公餘清
興動何妨邀友倒金壺

和遠先生滇南旅思

南來歲月屢遷更
長夏惟欣暑氣清
滿院槐陰遮地
暗一株榴火透窓明
雲南自昔矜強梗
交趾如今息
戰爭愧我才疎任
方伯勉將善政治
群生

和車軒山行韻

山行數里造華宮
景物清幽迥不同
惟愛鳥啼松竹
裏如看人在畫
圖中柴門闌寂
莓苔長石澗縈
迴道

路通覽此勃然生感慨謝公佳趣亦難窮

和車軒歲事可卜

蕭蕭夜雨晝還晴歲事應知大有成湖上放身凝望
眼齋中拾句述閑情離離禾黍欣看秀處處田疇已
罷耕自此豐登年可待歌謠滿路遂民生

六月廿五日夜火節

今宵已不禁嚴城火炬高然萬點明節令遺風惟六
詔笙歌滿路近三更兒童踴躍欣懷抱父老懽娛極
事情處此遐方隨異俗開筵斲鱸酒頻傾

和遂先生野望

鳥衣素疎烟起碧山凝眸遙望可開顏村前夕照下林

裊素疎烟起碧山凝眸遙望可開顏
村前夕照下林杪雨後亂蟬號樹間
泛泛漁舟投遠浦翩翩仙鶴立清灣
涼風吹鬢凭闌久自喜吟詩刺得閑

和逯先生遣懷韻

節序推遷感物華閑中光景自然嘉
清風江上凋蒲葉白露薜蘿邊
范菊花雁度長空聲自切人過古渡路
還賒情懷此際那能遣緩步微吟向水涯

和逯先生中秋韻

水間風氣漸颺明月當軒憶壯遊
皎潔長天流素魄推遷佳節值高秋
吟餘憶訪謝公宅醉後思登王

采樓樂此浩然情爛熳何須騎鶴上揚州

和李文秀菊圃韻

滇南九日列壺觴新酒如鵝泛嫩黃院內名芳皆落
葉籬邊佳菊却生香清姿可愛初經雨正色曾知獨
傲霜賞此忽思陶靖節于今遺跡對斜陽

和慎獨齋九日詩

此日開筵酌巨觴黃花端不負重陽人生行樂非無
地客裏交游是異方萬里思親懷舊宅一身對菊裛
清香莫辭爛醉酬佳節得句高歌自可狂

和慎獨齋秋扇韻

新裁團扇且停搖為見庭前木葉飄當夏已曾餘皓

新裁團扇且停搖為見庭前木葉飄
當夏已曾除酷暑經秋不用引清飈
謝安身逝仁風在曹植名存翰墨消
賦得詩章置閑處明年仍復寫紅蕉

秋陰

晻靄秋空不肯晴輕烟漠漠暗江城
籬邊有菊呈佳色樹上無禽囀好聲
靜坐高齋披古典閑行野圃散幽情
當窓惟愛蕭蕭竹風動時聞戛玉鳴

秋日即事

八月邊陲秋已分行看江郭帶寒雲
高低墮稻經霜熟斷續村砧向夜聞
風爽桂香飄冉冉山空松子落

紛紛凭闌滿眼蕭條意却喜吟詩思不群

和車軒重九韻

滇南佳節逢重九可愛東籬菊正開
滿眼秋光隨處有一天雨氣送寒來
雲邊雁陣遙空度樹裏猿聲落日哀
對此未能吟好句且將樽酒慰高才

九日書懷

三載居官寓異鄉喜親祿養在高堂
江楓葉帶秋光老籬菊花開晚節香
旅雁叫霜投遠浦詩人把酒賞重陽
誰能放浪如陶令也得名流百世芳

送姚大叅分得碧雞秋色

鄴闡名山有碧雞群峯羅列勢高低
經霜紅對奚巖

鄴闡名山有碧雞群峯羅列勢高低
經霜紅樹溪邊見落日清猿嶺外啼
祖席具陳情繾綣新詩纔賦意
淒迷臨歧送子那堪別去路悠悠任馬嘶

和平先生茶詩

憶採金芽傍禁烟喫時曾悟趙州禪
封題信是投滇海涉歷仍知過蜀川
滿瀉碧甌餘醉後頻煎石鼎小
窓前何時握手聯新句共試天邊玉兔泉

冬日詠懷

凜凜朔風吹遠林天寒惟愛酒盃深
霜晴楓樹多紅葉月冷梅梢有翠禽
學業定應三載足功名寧畏二

毛侵于今年富加存省報

國據忠愜素心

和汪御史遊太華寺韻

來遊寶地景偏嘉
立教無非總一家
已見諷經翻貝葉
曾聞說法雨天花
風清湖水明如鏡
地暖山櫻燦若霞
繡節遙臨多有興
園林無處不光華

元日

節序推遷換物華
將看東作動農家
天開泰運民同樂
氣轉洪鈞景自嘉
膏雨澗舒堤上柳
暖風吹綻樹頭花
今朝卜歲知宜穀
暢飲何妨到日斜

遊寺贈僧中庭

遊罷諸山到此間
天晴嵐氣散禪關
和風吹遍園花
綻膏雨滋餘筵
竹斑蘿屋香消僧入定
松壇影動鶴飛還
平公果有林泉趣
贏得高情盡日閑

和龔僉憲詩韻

羨子文才出孔門
姓名藉藉播奇芬
燈窓已足三冬業
雲錦俱成五色紋
不減班超通絕域
曾期馬援立殊勲
近來風紀公能振
凜凜霜威遠近聞

贈僧玉峯

幾度登臨訪玉峯
祇園還與昔時同
窓前翠竹千竿

立石上清泉一派通好雨滋花開小圃和風吹絮舞
長空閑房煮茗消塵慮援筆題詩興更濃

首夏雨餘

昨夜炎蒸不可當晚來一雨即清涼田中喜見新秧
綠隴上應知小麥黃桑柘有陰鳴布谷汀洲無浪浴
鴛鴦吟詩為愛時光好兼得清新興味長

喜雨

大地欣雷雨一犁滿田禾稼祿初齊枝頭梅子纍纍
熟葉底鶯兒恰恰啼遊客且欣醒俗眼詩人正可覓
新題山城偶得無餘事細酌何妨到日西

送朱寅仲回臨安

南郡炎蒸雨乍晴呼童具酒送人行
分襟古道踟躕意折柳長亭繾綣情
倦聽猿聲林上斷欣看山色眼中明
今宵旅宿知何處應自高歌對短檠

和范先生書齋對雨韻

一雨鷓消暑氣蒸赤雲寧得易飛騰
窓前靜愛纖塵絕渠內尤欣積水澄
密密洒來還入竹蕭蕭聽處更挑燈
此回山館渾無寐轉覺淒涼客况增

宿龍泉道院

道院孤高倚碧岑龍湫瀚漫更深苔
堦不見鳥遺

跡竹逕還聞蟬送音童子有時來引鶴高人終日坐
彈琴從容自倚闌干望秋色滿林清我心

和平先生寄來詩韻

詩句傳來妙入神調高猶得繼陽春唯應幕下同心
友能念天涯萬里身久慕先生深造道已聞佳婿遂
聯姻明年果有旋歸意暢飲高歌忘主賓

遊盤龍寺

萬松深處盤龍寺寶地青幽遠市塵竹影窓前搖夜
月梅花雪後報初春瑤琴理罷心逾靜藻句吟來趣
更新何日卜居近岩壑焚香煮茗樂天真

和郭文河間鋪道中

和郭文河間鋪道中

朝來信馬過溪沙
民物熙熙景更嘉
一路尋詩耽野趣
孤村酌酒對梅花
穿雲偶到山中寺
隔水遙聞塞上笳
萬里相看頭總白
客行不覺度年華

和徐憲副韻二首

羨君才德最清純
萬里相逢意便親
刻燭每聯詩句好
盃簪莫厭酒杯頻
杏花疏雨邊城曉
楊柳東風解宇春
顧我論交何太晚
驚看白髮鏡中新

又

公館無塵蔭古槐
星軺遠自

日邊來成均久已馳芳譽憲府于今得俊才凜凜風
霜清絕域熙熙民物藹春臺寄來總是驚人句韻險
還須着意裁

寄朱孟端

獨坐空齋閱舊書悠然樂趣更何如連朝小雨苔痕
綠一徑清風竹影疎對奕頗能消暇日守官未得卜
閒居遙思建水朱文學別後俄驚兩月餘

次陳大參韻

禪房清淨坐蒲團却喜山中具四難月上小窓林影
散風來曲澗水聲寒爐焚栢子烟初裊漏滴蓮花夜

未殘暫息喧囂無一事開尊卯懋客裏寬

未殘暫息喧囂無一事開樽聊慰客懷寬

送胡橙軒還永昌

有客乘驂過洱西平原春草正萋萋人烟迢遞連金
齒山勢逶迤拱碧雞流水小橋楊柳絲落花微雨鷓
鴒啼遙知別後相思處雲樹蒼茫夢欲迷

和徐憲副出巡金滄

西巡四牡去駢駢水色山光映繡衣
燹道宵征明候火榆城曉入肅霜威
詩留藻句期重會酒盡銀瓶惜暫違

當代惟公存古道倍令烏府有光輝

和徐憲副寄來詩韻

雨歇蒼山涼思生公餘偏動友朋情題詩寄我才何
俊聽訟猶人理更明秋滿書軒丹桂吐夜深官舍亂
蛩鳴歸期準擬重陽節花燦東籬菊正榮

次徐憲副韻

停雲幾度憶風流炎夏相違又早秋荒館亂蛩添客
思芳樽美醞解離憂慚予菲薄無多學羨子從容有
遠謀九日登高期共賞龍山清興未能休

送蹇廉使考滿

煌煌繡節出滇城憲使嚴裝上

帝京水落渝川舟楫穩霜晴棘道馬蹄輕
天官考最

帝京水落渝川舟楫穩霜晴
熨道馬蹄輕天官考最
功勳著烏府持衡法令平
愧我相看俱白首臨歧杯
酒不勝情

和陳大參途中八詠

四牡駢駢又遠行山城到處
悉清寧觀風問俗知民
化把酒吟詩對月明纔見
耕耘事東作俄看刈穫報
西成年來邊徼無烽候擊壤
謳歌頌太平

又

泉流石澗玉珊珊曉度官橋
官袂寒山映野亭雲乍
斂馬行熨道雨初乾嶺梅
帶雪花偏早溪樹經霜葉

半殘無限好懷吟不盡且將樽酒樂餘閒

又

曉起山城鼓角鳴嚴裝又復趣脩程天低遠樹平原
迥風順長空一雁橫幸際夷民歸化日喜聞茅屋讀
書聲途中景况應無限正好吟詩信馬行

又

殊方遍歷豈辭難到處從容一解鞍官舍裁詩聊自
詠梅村即景共誰看雲開迥野山重疊雨歇平湖水
淼漫遐邇夷民咸樂業公餘適興操猗蘭

又

不見先生兩月餘別時風景已蕭疎寄寺有客尋芳

不見先生兩月餘別時風景已蕭疎寄詩有客傳芳
札載酒無人並小車楓樹江村霜落後梅花山寺雪
晴初相思兩地情何極

王事驅馳歷遠途

又

別後俄驚節序過秋深情況近如何胸中豪氣知猶
在囊裏新詩想更多對景舒懷應放曠及時行樂莫
蹉跎羨君忠孝誰能似公退常聞誦蓼莪

又

文旃旬宣駐點蒼才華政事總優長吏民有幸霑

清化烽候無驚在豫防雪後青山開霽色馬頭新旭
散烟光也時歸老林泉下不愧裴公祿野堂

又

殊方冬暖似初春對景悠然憶故人目斷孤雲歸遠
岫心隨飛雁度蒼旻旋沽村酒那能醉屢寄佳章不
厭頻歲月催人容易老數莖白髮鬢邊新

和陳大參冬興四首

山川搖落值隆冬風景應知處處同啜茗圍爐情自
樂尋梅踏雪興無窮一陽來復循環理萬物亨通造
化工擬待春光滿湖上黃鸝聲裏笑掀篷

又

又

旌旆西行忽數旬
登山臨水肯辭頻
梅花院落初晴
雪竹色軒窓迥絕塵
新酒盈樽傾玉液
清琴一曲理陽春
遙知此際多佳興
謾賦新詩寄遠人

又

岷山迢遞接崆峒
風景無邊又暮冬
雪霽群峯開迥野
風清一鶴唳高松
書來遠道情無限
樓倚殘陽思更濃
征旆搖搖渺何許
嶺雲江樹幾千重

又

南詔冬深不覺寒
客懷詩思雨瀰漫
乘閒剗得遊山

樂為政方知行路難遠水天邊飛一雁夕陽江上從
層巒多君寄我新詩句醉墨淋漓尚未乾

素軒集卷之六





1910
81









